

Izveštaj o radu Uprave policije MUP-a Kantona Sarajevo za mjesec avgust 2022. godine

KRIMINALITET

STATISTIČKI POKAZATELJI

U mjesecu avgustu 2022. godine na području Kantona Sarajevo, prema službenim evidencijama Uprave policije MUP-a Kantona Sarajevo, registrovano je 348 događaja sa obilježjem krivičnog djela (što je za 38 ili 9,8% manje u odnosu na isti mjesec prethodne godine).

Od ukupnog broja registrovanih događaja sa obilježjem krivičnog djela, 172 ili 49,4% je evidentirano po poznatom izvršiocu, a 176 ili 50,6% po nepoznatom izvršiocu.

Od ukupno 176 događaja sa obilježjem krivičnog djela evidentiranih po nepoznatom izvršiocu, naknadno su rasvijetljena 42 ili 24% (što je za 0,2% manje u odnosu na uporedni mjesec) od čega je 16 događaja evidentirano u mjesecu avgustu ove godine, a 26 u ranijem periodu.

U izvještajnom mjesecu Uprava policije MUP-a Kantona Sarajevo je nadležnim tužilaštvima prosljedila na odluku putem administrativnog djelovodnika ukupno 175 obavijest (46 manje) o događajima u kojima je pričinjena neznatna materijalna šteta:

OSNOVNI STATISTIČKI POKAZATELJI O DOGAĐAJIMA SA OBILJEŽJEM KRIVIČNOG DJELA
U MJESECU AVGUSTU 2022./21. GODINE

mjesec	Broj događaja sa obilježjem krivičnog djela			Broj naknadno rasvijetljenih događaja evidentiranih po nepoznatom izvršiocu		Broj evidentiranih lica			Broj lica lišenih slobode	
	Ukupno	od toga		Ukupno	od toga iz ranijeg perioda	Ukupno	od toga			
		po poznatom izvršiocu	po NN izvršiocu				maloljetnici	povratnici		
AVGUST 2022. GODINE	348	172	176	42	26	210	1	129	68	
AVGUST 2021. GODINE	386	194	192	21	15	216	1	127	99	
uporedba	+/-	-38	-22	-16	21	11	-6	0	2	-31
	%	-9,8%	-11,3%	-8,3%	100%	73,3%	-2,8%	isto	1,6%	-31,3%

U toku mjeseca avgusta ove godine prijavljeno je 210 lica (šest manje), od kojih je 129 povratnika (dva više) ili 61,4% od ukupnog broja prijavljenih lica, jedan maloljetnik (isto), a 68 lica je lišeno slobode (31 manje).

Za događaje sa obilježjem krivičnog djela, koji su evidentirani u mjesecu avgustu 2022. godine, prema izjavama oštećenih lica, nastupila je materijalna šteta u ukupnom iznosu od 561.964,31 KM i 2.200 €.

**TABELARNI PREGLED DOGAĐAJA SA OBILJEŽJEM KRIVIČNOG DJELA U MJESECU AVGUSTU 2022./21. GODINE
NA PODRUČJU KANTONA SARAJEVO PREMA KRIVIČNOM ZAKONU FBiH-a I BiH**

KZ FBiH-a i KZ BiH-a	AVGUST 2022. GODINE	AVGUST 2021. GODINE	uporedba ukupnog broja događaja sa obilježjem krivičnog djela		broj događaja po poznatom izvršiocu	broj događaja po NN izvršiocu	ukupan broj naknadno rasvijetljenih događaja	
			+ / -	%			broj	%
Protiv života i tijela	20	20	0	isto	17	3	3	100%
Protiv slobode i prava čovjeka i građanina	42	21	21	100%	40	2	0	0%
Protiv spolne slobode i morala	3	5	-2	-40%	2	1	0	0%
Protiv braka, porodice i mladeži	27	24	3	13%	27	0	0	---
Protiv zdravlja ljudi	17	31	-14	-45%	17	0	0	---
Protiv imovine	197	239	-42	-18%	38	159	37	23%
Protiv okoliša	0	2	-2	---	0	0	1	---
Protiv opće sigurnosti ljudi i imovine	14	15	-1	-7%	5	9	0	0%
Protiv sigurnosti javnog prometa	6	8	-2	-25%	6	0	0	---
Protiv pravosuđa	5	1	4	400%	4	1	1	100%
Protiv javnog reda i pravnog prometa	11	12	-1	-8%	10	1	0	0%
Protiv podmićivanja i KD protiv službene ...	3	3	0	isto	3	0	0	---
Pr otiv slobode i prava čovj. i građ. (KZBiH)	0	1	-1	---	0	0	0	---
Protiv privrede i jedinstva tržišta te KD iz oblasti carina (KZBiH)	0	1	-1	---	0	0	0	---
Dogovor, pripremanje, udruživanje i organizovani kriminal (KZ BiH)	1	0	1	--	1	0	0	---
ZONDINOIM-a - Zakon o nabavljanju, držanju i nošenju oružja i municije (Sl.novine KS br.01/18)	2	3	-1	-33%	2	0	0	---
UKUPNO	348	386	-38	-10%	172	176	42	24%

U mjesecu avgustu 2022. godine u odnosu na isti mjesec prethodne godine, zabilježeno je smanjenje broja registrovanih događaja sa obilježjem krivičnog djela za 38 ili 10%. Smanjenje je zabilježeno u oblastima protiv imovine (za 42 događaja), zdravlja ljudi (za 14), spolne slobode i morala (za dva) itd., dok je povećanje evidentirano u oblastima protiv slobode i prava čovjeka i građanina (za 21), pravosuđa (za četiri), braka, porodice i mladeži (za tri događaja), itd.

PREGLED DOGAĐAJA SA OBILJEŽJEM KRIVIČNOG DJELA PO OBLASTIMA

PROTIV ŽIVOTA I TIJELA

Tokom avgusta 2022. godine evidentirano je 20 događaja sa obilježjem krivičnog djela iz oblasti protiv života i tijela (isti broj kao u mjesecu avgust 2021. godine) i to 17 po poznatom i tri po nepoznatom izvršiocu. Evidentirani su slijedeći događaji:

- ubistvo u pokušaju (član 166. u vezi člana 28. KZ FBiH) – jedan događaj,
- teška tjelesna ozljeda (član 172. KZ FBiH) – četiri i
- lahka tjelesna ozljeda (član 173. KZ FBiH) – 15 događaja.

Nadležnom tužilaštvu podneseni su službeni izvještaji protiv 20 lica, od koji je deset povratnika (ili 50%), a tri su lišena slobode.

PROTIV SLOBODE I PRAVA ČOVJEKA I GRAĐANINA

Iz ove oblasti evidentirana su **42 događaja** sa obilježjem krivičnog djela (21 više) i to ugrožavanje sigurnosti – 39 i protupravno lišenje slobode – tri, za čije je izvršenje su prijavljena 43 lica, od kojih je 26 povratnika (ili 60,5%), a deset je lišeno slobode.

PROTIV BRAKA, PORODICE I MLADEŽI

Iz oblasti protiv braka, porodice i mladeži u mjesecu avgustu evidentirano je **27 događaja** sa obilježjem krivičnog djela (tri više) i to nasilje u porodici – 26 i izbjegavanje izdržavanja – jedan događaj za čije izvršenje je prijavljeno 28 lica, od kojih je 19 povratnika (ili 67,9%), a 16 lica je lišeno slobode.

PROTIV ZDRAVLJA LJUDI

Evidentirano je **17 događaja** sa obilježjem krivičnog djela iz oblasti protiv zdravlja ljudi (14 manje u odnosu na uporedni mjesec) i to posjedovanje i omogućavanje uživanja opojnih droga (čl. 239. KZ FBiH) – 17 događaja.

Nadležnom tužilaštvu podneseni su službeni izvještaji protiv 17 lica, među kojima je deset povratnika (ili 58,8%) i pet lica je lišeno slobode.

Policijski službenici Uprave policije su Kantonalnom tužilaštvu Sarajevo podnijeli službene izvještaje protiv 17 lica koja su navodila druga lica na uživanje opojnih droga, stavila na raspolaganje prostorije radi uživanja opojne droge ili kod kojih je prilikom pregleda pronađena opojna droga ("Marihuana", "Heroin", "Amfetamin", itd.) čime bi počinili krivično djelo iz člana 239. KZ FBiH-a (Posjedovanje i omogućavanje uživanja opojnih droga).

PREGLED ODUZETE KOLIČINE OPOJNIH DROGA U MJESECU AVGUSTU 2022./21. GODINE

VRSTA OPOJNE DROGE	avgust 2022. godine	avgust 2021. godine
Marihuana (paketići)	31	12
Marihuana (u gramina)	184,034	123,119
Heroin (paketići)	18	1
Heroin (u gramima)	15	---
Speed (paketići)	4	42
Amfetamin (u gramima)	48,33	241,711
Amfetamin (paketići)	2	---
stabljika „kanabisa“	10	---
sjemenke „kanabisa“	250	---
pribor sa ostacima droge (komada)	1	1

PROTIV IMOVINE

U ovom mjesecu, evidentirano je 197 događaja sa obilježjem krivičnog djela protiv imovine (38 po poznatom i 159 po nepoznatom izvršiocu) što je za 42 ili 18% manje u odnosu na isti mjesec prošle godine. Iz ove oblasti najbrojniji događaji sa obilježjem krivičnog djela su:

- teška krađa (član 287. KZ FBiH) – 76 (53 manje),
- krađa (član 286. KZ FBiH) – 76 (18 više),
- razbojništvo (član 289. KZ FBiH) – 12 (četiri manje),
- oštećenje tuđe stvari (član 293. KZ FBiH) – 22 (šest više),
- utaja (član 290. KZ FBiH) – četiri (jedan manje),
- prijevara (član 294. KZ FBiH) – tri (pet manje),
- teška krađa u pokušaju (član 287. u vezi člana 28. KZ FBiH) – dva (jedno manje), itd.

Nadležnom tužilaštvu podneseni su službeni izvještaji protiv 54 lica, od kojih je 40 povratnika (ili 74,1%), a 15 je lišeno slobode. Od ukupno 159 događaja evidentiranih po nepoznatom izvršiocu iz oblasti protiv imovine naknadno je rasvijetljeno 37 ili 23% što je za 1,4% više u odnosu na avgust 2021. godine.

Tokom mjeseca avgusta ove godine, prema objektima izvršenja teških krađa, 27 je izvršeno u motornim vozilima (otuđenja motornih vozila i “provale” u ista) (tri manje), 20 je izvršeno u stambenim objektima (19 manje), 19 u poslovnim prostorima (deset manje), sedam na ulici (osam manje), itd.

Evidentirano je šest otuđenja putničkih motornih vozila što je za 14 ili 70% manje u odnosu na uporedni mjesec.

PREGLED BROJA OTUĐENIH I VRAĆENIH PUTNIČKIH MOTORNIM VOZILIMA NA PODRUČJU KANTONA SARAJEVO PO POLICIJSKIM UPRAVAMA U MJESECU AVGUSTU 2022. GODINE

POLICIJSKA UPRAVA	PU Stari Grad	PU Centar	PU Novo Sarajevo	PU Novi Grad	PU Ilidža	PU Hadžići i Trnovo	PU Vogošća	PU Ilijaš	UKUPNO
broj otuđenih motornih vozila	0	0	1	1	4	0	0	0	6
broj vraćenih mv	0	1	0	0	0	0	0	0	1
% vraćenih mv	---	---	0%	0%	0%	---	---	---	16,7%

Takođe, u avgustu 2022. godine, pronađeno je i vraćeno jedno motorno vozila otuđeno u ranijem periodu (vozilo je pronašla i vratila policija MUP-a RS-a).

Evidentirano je 76 događaja sa obilježjem krivičnog djela krađe (18 više) i to: u poslovnim prostorima – 24 puta, na ulici - 20, na benzinskim pumpama – 13, u stambenim objektima - osam, u vozilima i na stajalištima GRAS-a - dva, itd., odakle su otuđivani mobiteli, novčanici, prehrambeni proizvodi, gorivo, bicikli, romobili, itd.

Evidentirano je šest događaja sa obilježjem krivičnog djela teških krađa na naročito opasan ili naročito drzak način (pet manje), u kojima su izvršiocu, upotrebom fizičke snage (otimanjem i trganjem) u četiri slučaja i prijetnjom u dva slučaja otimali novac, torbe i tašne, a evidentirani su: na ulici – pet i u poslovnom prostoru – jedan. Nadležnom tužilaštvu podneseni su službeni izvještaji protiv tri lica, povratnika u činjenju krivičnih djela.

U mjesecu avgustu ove godine evidentirano je 12 događaja sa obilježjem krivičnog djela razbojništva (četiri manje), dva po poznatom i deset po nepoznatom izvršiocu.

Nadležnom tužilaštvu podneseni su službeni izvještaji protiv pet lica, od kojih su četiri povratnika u činjenju krivičnih djela. U ovom mjesecu naknadno je rasvijetljeno jedno razbojništvo prijavljeno u mjesecu decembru 2021. godine na području općine Stari Grad.

Razbojništva su izvršena prijetnjom upotrebe vatrenog oružja - jednom, upotrebom fizičke snage – sedam puta i prijetnjom upotrebe noža ili drugog oštrog predmeta - četiri puta, a počinjena su u poslovnim objektima – pet puta, na ulici – tri, u stambenim objektima – dva, u apoteci i sportskoj kladionici – po jedan. Otuđivan je novac, mobiteli, laptop i pištolj.

PROTIV OPĆE SIGURNOSTI LJUDI I IMOVINE

Iz ove oblasti evidentirano je 14 događaja (jedan manje) i to: izazivanje opće opasnosti – 11 i nesavjesno čuvanje pasa i drugih opasnih životinja - tri događaja, a nadležnom tužilaštvu podneseni su službeni izvještaji protiv šest lica, pet je povratnika i jedno lice je lišeno slobode.

Događaji sa obilježjem krivičnog djela izazivanje opće opasnosti evidentirani su na otvorenom prostoru – deset puta i u poslovnom prostoru – jednom, pri čemu je četiri puta pucano iz vatrenog oružja, u tri slučaja aktivirana je nepoznata eksplozivna naprava, dva puta je otvorenim plamenom izazvan požar u jednom slučaju aktivirana je rasprskavajuća naprava sa nadražujućim sadržajem i u jednom slučaju radilo se o lažnoj dojavi o postavljenoj eksplozivnoj napravi u poslovnom prostoru. Posljedice navređenih događaja su nastala materijalna šteta i uznemirenost građana.

PROTIV JAVNOG REDA I PRAVNOG PROMETA

U ovoj oblasti evidentirano je 11 događaja sa obilježjem krivičnog djela (jedan manje) i to: nasilničko ponašanje - četiri, napad na službenu osobu u vršenju poslova sigurnosti i nedozvoljeno držanje oružja ili eksplozivnih materija – po tri i samovlašće - jedan događaj.

Nadležnom tužilaštvu podneseni su službeni izvještaji protiv deset lica od kojih su četiri povratnika (ili 40%), a sedam je lišeno slobode.

DOGAĐAJI SA OBILJEŽJEM KRIVIČNOG DJELA U KOJIMA SU UČESTVOVALA MALOLJETNA LICA

U mjesecu avgustu 2022. godine evidentiran je jedan događaj sa obilježjem krivičnog djela, koje je počinilo jedno maloljetno lice (isto u avgustu 2021. godine). Prijavljeni maloljetnik je u dobi od 17 godina. Događaj sa obilježjem krivičnog djela nasilničko ponašanje, počinio je na području općine Novo Sarajevo.

OSTALA PROTIVPRAVNA I ASOCIJALNA PONAŠANJA

AKTIVIRANJE MINSKO-EKSPLOZIVNIH SREDSTAVA

U toku mjeseca avgusta 2022. godine na području Kantona Sarajevo evidentirana su tri događaja aktiviranja minsko-eksplozivnih sredstava (jedan u avgustu 2021. godine), usljed čega je nastupila materijalna šteta. Identifikovana su tri učinioca i protiv istih su preduzete zakonske mjere.

U toku avgusta 2022. godine nije bilo evidentiranih slučajeva anonimne dojave o postavljenoj eksplozivnoj napravi (jedan u avgustu 2021. godine).

POŽARI

Tokom mjeseca avgusta 2022. godine, na području Kantona Sarajevo registrovano je 10 požara (sedam manje u odnosu na isti mjesec prethodne godine), koji su za posledicu imali materijalnu štetu. Prema statističkim pokazateljima, tri požara su izazvana namjerno, jedan zbog tehničkih nedostataka, dok uzroci šest požara spadaju u kategoriju ostalih.

Požari su registrovani u:

- Pomoćnom objektu - dva puta,
- Saobraćajnom sredstvu - jednom,
- Poslovnom prostoru - jednom,
- Ostalim objektima - šest puta.

Zbog izazivanja požara nadležnom tužilaštvu podnesena su dva službena izvještaja iz člana 323 KZ FBiH (izazivanje opće opasnosti).

SAMOUBISTVA

U mjesecu avgustu 2022. godine na području Kantona Sarajevo registrovana su četiri samoubistva (dva više) koja su izvršena: vješanjem - dva puta, upotrebom oštrog predmeta - jednom i skakanjem sa visine - jednom.

Izvršioi samoubistava su tri osobe muškog i jedna osoba ženskog spola. Osobe muškog spola su starosne dobi: 46, 73 i 74 godine, dok je osoba ženskog spola starosne dobi 45 godina.

OSTALE AKTIVNOSTI

U sklopu aktivnosti na oduzimanju nelegalno posjedovanog oružja i drugih predmeta oduzeta su tri pištolja, tri ručne bombe, jedan noža i osam komada municije raznog kalibra.

Tokom izvještajnog mjeseca ove godine fizičkim licima izdato je 171. odobrenje za nabavku vatrenog oružja i 186 oružnih listova.

JAVNI RED I MIR

U toku mjeseca avgusta 2022. godine u oblasti protiv javnog reda i mira evidentirano je 506 prekršaja (42 ili 9,1% više u odnosu na isti mjesec 2021. godine), za čije izvršenje prijavljeno je 520 lica (21 ili 4,2% više), od čega je 153 povratnika u činjenju prekršaja.

Zbog učinjenih prekršaja u oblasti protiv javnog reda i mira izdato je 445 naloga i podnesen je 61 zahtjev za pokretanje prekršajnog postupka.

Na prekršaje utvrđene Zakonom o prekršajima protiv javnog reda i mira odnosi se 462 prekršaja (ili 91,3%), a na prekršaje koji su utvrđeni Odlukom općinskih vijeća o javnom redu i miru 44 (ili 8,7%).

Od ukupnog broja prijavljenih lica, prema starosnoj strukturi učinilaca prekršaja, najbrojniji su u dobi preko 36 godina (205), između 26 i 35 godina (188), između 19 i 25 godina (126) i do 18 godina (jedan).

Prilikom narušavanja javnog reda i mira u mjesecu avgustu 2022. godine, nije bilo teže povrijeđenih lica (isto kao u avgustu 2021. godine), dok je osam lica (dva više u odnosu na avgust 2021. godine) lakše povrijeđeno.

TABELARNI PREGLED STRUKTURE PREKRŠAJA IZ OBLASTI JAVNOG REDA I MIRA
ZA MJESEC AVGUST 2022/2021.GODINA

STRUKTURA PREKRŠAJA	AVGUST 2022.	AVGUST 2021.	+ - %
UKUPNO prekršajnih naloga i zahtjeva za ppp	506	464	+42 ili 9,1%
UKUPNO lica	520	499	+21 ili 4,2%
Prekršaji prema Zakonu o prekršajima protiv JRiM:	462	402	+60 ili 14,9%
<i>-Tuča</i>	31	52	-21 ili 40,4%
<i>-Naročito drsko ponašanje</i>	42	58	-16 ili 27,6%
<i>-Odbijanje naređenja i omalovažavanje pol. služb.</i>	35	28	+7 ili 25%
<i>-Prosjačenje</i>	238	179	+59 ili 33%
<i>-Paljenje petardi</i>	1	---	+1
<i>-Uživanje opojne droge na javnom mjestu</i>	19	8	+11 ili 137,5%
<i>-Svada, vika, nepristojno ponašanje</i>	16	5	+11 ili 220%
<i>-Ostali prekršaji</i>	80	72	+8 ili 11,1%
Ukupno naloga/ zahtjeva prema Odluci o.v. o JRM	44	62	-18 ili 29%

Iz tabelarnog pregleda vidljivo je, da je tokom mjeseca avgusta 2022. godine, u odnosu na avgust prethodne godine prema strukturi prekršaja povećan broj prekršaja:

- prosjačenja za 59 ili 33%,
- svađa, vika, nepristojno ponašanje za 11 ili 220%,
- uživanja opojne droge na javnom mjestu za 11 ili 137,5%;
- ostalih prekršaja za osam ili 11,1%,
- odbijanje naređenja i omalovažavanje policijskih službenika za sedam ili 25%,
- paljenje petardi za jedan;

dok je smanjen broj prekršaja:

- tuča za 21 ili 40,4%,
- prekršaja koji su regulisani Odlukom općinskih vijeća za 18 ili 29%,
- naročito drskog ponašanja za 16 ili 27,6%.

Prema mjestu izvršenja, najveći broj prekršaja evidentiran je na ulici i na drugim otvorenim prostorima (459 ili 90,7% od ukupnog broja), a znatno manje u ugostiteljskim objektima (12 ili 2,4%), na sportskim stadionima i dvoranama (pet), a na ostalim mjestima 30 prekršaja.

TABELARNI PREGLED STRUKTURE PREKRŠAJA IZ OBLASTI JAVNOG REDA I MIRA PREMA MJESTU IZVRŠENJA ZA MJESEC AVGUST 2022/2021. GODINE

MJESTO IZVRŠENJA	AVGUST 2022.	AVGUST 2021.	+ - %
<i>Ulica i drugi otvoreni prostor</i>	459	435	+24 ili 5,5%
<i>Ugostiteljski objekti</i>	12	7	+5 ili 71,4%
<i>Vozila javnog saobraćaja</i>	---	1	-1
<i>Sportski stadioni i dvorane</i>	5	3	+2 ili 66,7%
<i>Trgovinske i zanatske radnje</i>	---	1	-1
<i>Ostala mjesta</i>	30	17	+13 ili 76,5%
UKUPNO	506	464	+42 ili 9,1%

U odnosu na isti mjesec 2021. godine, povećan je broj prekršaja evidentiranih na ulici i drugim otvorenim prostorima za 24 ili 5,5%, na ostalim mjestima za 13 ili 76,5%, u ugostiteljskim objektima za pet ili 71,4%, na sportskim stadionima i dvoranama za dva ili 66,7%, dok je broj prekršaja smanjen u vozilima javnog saobraćaja i u trgovinama i zanatskim radnjama (za jedan).

Na području Kantona Sarajevo u mjesecu avgustu 2022. godine održana su 204 javna skupa (četiri ili 2% više u odnosu na mjesec avgust 2021. godine). Policijski službenici Uprave policije proveli su planske aktivnosti za bezbjedno održavanje javnih skupova i izvršili 77 KDZ osiguranja.

SAOBRAĆAJ

Na području Kantona Sarajevo u mjesecu avgustu 2022. godine registrovano je 714 saobraćajnih nezgoda (35 ili 5,1 % više), od čega su 622. sa materijalnom štetom (osam ili 1,3 % više) i 92. sa nastradalim licima (27 ili 41,5 % više).

TABELARNI PREGLED SAOBRAĆAJNIH NEZGODA I POSLJEDICA NA PODRUČJU KANTONA SARAJEVO U MJESECU AVGUSTU 2022./21. GODINE

	avgust 2022.	avgust 2021.	+ - %
UKUPNO SAOBRAĆAJNIH NEZGODA	714	679	+ 35 ili 5,1 %
Saobraćajne nezgode sa nastradalim licima	92	65	+ 27 ili 41,5 %
Saobraćajne nezgode sa materijalnom štetom	622	614	+ 8 ili 1,3 %

POGINULO LICA	0	2	- 2
- vozači	0	2	- 2
-putnici	0	0	----
- pješaci	0	0	----
POVRIJEĐENO LICA	113	83	+30 ili 36,1 %
- vozači	61	47	+ 14 ili 29,8 %
- putnici	37	28	+ 9 ili 32,1 %
- pješaci	15	8	+ 7 ili 87,5 %

U naselju je registrovano 665 saobraćajnih nezgoda (86 sa povrijeđenim licima i 579 sa materijalnom štetom), van naselja 49 nezgoda (šest sa povrijeđenim licima i 43 sa materijalnom štetom).

TABELARNI PREGLED SAOBRAĆAJNIH NEZGODA I POSLJEDICA NA PODRUČJU KANTONA SARAJEVO
U MJESECU AVGUSTU 2022. GODINE (U NASELJU I VAN NASELJA)

SAOBRAĆAJNE NEZGODE	SA NASTRADALIM LICIMA			SA MATERIJALNOM ŠTETOM	UKUPNO	POSLJEDICE		
	sa poginulim licima	sa povrijeđenim licima				broj poginulih lica	broj teže povrijeđenih lica	broj lakše povrijeđenih lica
		teže	lakše					
u naselju		10	76	579	665		10	89
van naselja		2	4	43	49		4	10
UKUPNO		12	80	622	714		14	99

Prema kategoriji puta, najveći broj saobraćajnih nezgoda registrovan je:

- na ulicama u naselju - 361. nezgoda u kojoj su 52 lica povrijeđena (šest teže i 46 lakše),
- na magistralnim putevima - 62. nezgode u kojima je 21. lice povrijeđeno (tri teže i 18 lakše),
- na lokalnim putevima - 89 (13 lica povrijeđeno, dva teže i 11 lakše),
- na regionalnim putevima - 30 (devet lica povrijeđeno, tri teže i šest lakše),
- na putevima koji se ubrajaju u kategoriju ostalih - 172. nezgode u kojima je 18 lica lakše povrijeđeno.

POSLJEDICE SAOBRAĆAJNIH NEZGODA

Tokom mjeseca avgusta 2022. godine, u saobraćajnim nezgodama na području Kantona Sarajevo 113 lica je povrijeđeno (30 ili 36,1 % više), od čega 14 teže (isto kao u avgustu prošle godine) i 99 lakše (30 ili 43,5 % više). Poginulih lica nije bilo (u istom mjesecu prošle godine dva lica su poginula).

LICA POVRIJEĐENA U SAOBRAĆAJNIM NEZGODAMA

Od ukupno 113 povrijeđenih lica u mjesecu avgustu 2022. godine, evidentiran je: 61 vozač (osam teže i 53 lakše), 37 putnika (pet teže i 32 lakše) i 15 pješaka (jedan teže i 14 lakše).

Starosna struktura nastradalih lica u saobraćajnim nezgodama je slijedeća:

- ispod šest godina - dva lica,
- od 6 do 17 godina - 10,
- od 18 do 24 godine - 19,
- od 25 do 30 godina - 16,
- od 31 do 40 godina - 29,
- od 40 do 50 godina - 16,
- od 51 do 65 godina - 18,
- 66 i više godina - dva,
- Nepoznata strosna dob - jedno lice.

Starosna struktura nastradalih vozača u saobraćajnim nezgodama je slijedeća:

- od 18 do 23 godine - osam lica,
- od 23 do 30 godina - 11,
- od 30 do 40 godina - 21,
- od 40 do 50 godina - osam,
- od 50 do 60 godina -10,
- 60 i više godina - dva,
- Nepoznata starosna dob - jedno lice.

UZROCI SAOBRAĆAJNIH NEZGODA

Na osnovu statističkih podataka o saobraćajnim nezgodama i nastradalim licima, uzroci saobraćajnih nezgoda su:

- neprilagođena brzina - 74 (18 lica povrijeđeno, jedno teže i 17 lakše),
- uticaj alkohola - dva (bez nastradalih lica),
- oštećenje puta - jedna nezgoda (bez nastradalih lica),
- ostali uzroci - 637 (95 lica povrijeđeno, 13 teže i 82 lakše).

AKTIVNOSTI POLICIJE IZ OBLASTI SIGURNOSTI SAOBRAĆAJA

Tokom mjeseca avgusta 2022. godine, policijski službenici Uprave policije MUP-a Kantona Sarajevo kontrolisali su:

- 15.746 vozila i vozača (2.387 manje),
- 7.113 lica u vozilima (3.245 više),
- pregledali 369 vozila (28 manje) i 291. lice u vozilima (devet više).

Zbog tehničke neispravnosti iz saobraćaja je isključeno 27 vozila (19 manje), 223 vozača su zatečena da upravljaju vozilom pod dejstvom alkohola (70 manje), 409 lica bez korištenja sigurnosnog pojasa (17 više), 153 vozača bez položenog vozačkog ispita (39 manje), 40 vozača pod izrečenom zaštitnom mjerom (20 manje), 425 vozača je zatečeno da koriste mobitel tokom vožnje (28 manje) i 293 vozila koja su učestvovala u saobraćaju bez važeće registracije (42 manje).

Zbog kršenja propisa iz oblasti sigurnosti saobraćaja uručeno je 15.575 prekršajnih naloga vozačima (2.449 ili 13,6 % manje u odnosu na mjesec avgust prošle godine) i podneseno 212 zahtjeva za pokretanje prekršajnog postupka (126 ili 37,3 % manje).

Tokom mjeseca avgusta 2022. godine, nije bilo oduzimanja motornih vozila od višestrukih povratnika u vršenju prekršaja iz oblasti ZOOBS-a.

MIRUJUĆI SAOBRAĆAJ I KONTROLA PJEŠAKA

Policijski službenici su tokom mjeseca avgusta 2022. godine provodili aktivnosti u okviru saobraćaja u mirovanju i kontrole kretanja pješaka.

Vozačima koji su vozila nedozvoljeno parkirali na javnim površinama, uručeno je 8.988 prekršajnih naloga (140 manje), upozoreno je 208 vozača (89 manje), a specijalnim vozilom "pauk" premješteno je 165 vozila (32 više).

Takođe, pješacima koji su kršili propise uručeno je 114 prekršajnih naloga (39 manje), a upozoreno je 20 ješaka (osam više).

ZAKONITOST U RADU

Tokom mjeseca avgusta 2022. godine, registrovana su dva pojedinačna napada (u istom mjesecu prošle godine nije bilo registrovanih napada) na policijske službenike Uprave policije MUP-a Kantona Sarajevo. U napadima su učestvovala dva punoljetna lica koja su koristila fizičku snagu.

Takođe, u mjesecu avgustu 2022. godine registrovana su dva slučaja upotrebe sile (jedna manje).

Razmatrane su 44 predstavke na rad policijskih službenika. Nakon razmatranja Odbor za žalbe građana Skupštine Kantona Sarajevo donio je zaključak da se za 19 predavki (pet više) provede unutrašnja istraga, za 23 predstavke je odlučeno da se izvrše provjere i prikupi dokumentacija, dok je u dva slučaja predavka neosnovana.

Od 44 razmatrane predavke, 39 je podneseno od strane građana, dok pet predavki predstavljaju saznanja iz službe.

Okončane su 22 unutrašnje istrage među kojima je osam neosnovanih, osam je bilo bez dovoljno dokaza, u tri slučaja predavke su osnovane, u dva slučaja stranka je odustala od žalbe, dok je u jednom slučaju postupak obustavljen.

RAD POLICIJE U ZAJEDNICI

U okviru Rada policije u zajednici, policijski službenici Uprave policije MUP-a Kantona Sarajevo su tokom izvještajnog mjeseca preduzimali aktivnosti u cilju uspostavljanja saradnje sa građanima, mjesnim zajednicama, predstavnicima vjerskih zajednica, raznim udruženjima građana i nevladinim organizacijama.

Policajci u zajednici su provodili aktivnosti u oblasti prevencije, koordinacije rada s vladinim i nevladinim organizacijama, implementacije javnih kampanja u cilju podizanja svijesti građana o različitim oblicima društveno neprihvatljivog ponašanja, kao i jačanja partnerskog odnosa između lokane zajednice i policije.

Tokom mjeseca avgusta tekuće godine, realizovane su, između ostalih, slijedeće aktivnosti:

U periodu trajanja „Sarajevo Film Festivala“ policajci u zajednici su se pojačano kretali i boravili na lokalitetima sa povećanom frekvencijom ljudi, posebno turista gdje su tom prilikom provodili kampanju „Stop prosjačenju“ djelivši promotivne letke, s ciljem sprječavanja prosjačenja kao i džeparenja te svojim prisustvom proaktivno djelovali na eventualno izvršenje krivičnih djela, te narušavanje javnog reda i mira.

Dana 26.8.2022. godine policajci u zajednici su u hotelu „Hollywood“ učestvovali na Konferenciji organizovanoj od strane Centra za integrativnu inkluziju Roma i Romkinja „Otaharin“ podržan od strane ambasade SAD, na temu „Unaprijeđenje uključivanja Roma i Romkinja kroz borbu protiv diskriminacije“.

Dana 30.8.2022. godine policajci u zajednici su u prostorijama JU „Centar za djecu i omladinu Novo Sarajevo“ učestvovali u javnoj debati „Zajedno u borbi protiv trgovine djecom, prekinimo lanac trgovine – djeca nisu roba“ koja je dio javne kampanje, organizovane od strane UG „Naša djeca Sarajevo“

Osim navedenog, policajci u zajednici su pratili poštivanje izrečenih zaštitinih mjera od strane Općinskog suda u Sarajevu iz oblasti nasilja u porodici. S tim u vezi, obilazili su i kontaktirali žrtve nasilja kao i nasilnike, kako bi osigurali poštivanje izrečenih mjera, veći stepen sigurnosti za žrtve i preventivno djelovanje na eventualno ponavljanje nasilja.

Policajci u zajednici su takođe ostvarivali kontakte sa građanima iz reda romske populacije i migrantima, s ciljem preventivnog djelovanja na pojavu narušavanja javnog reda i mira prosjačenjem, kao i eventualnog činjenja krivičnih djela krađa i drskih krađa.

MIGRANTI

Na osnovu Izvještaja Operativnog tima za pitanja migranata, a prema podacima IOM-a na području Kantona Sarajevo u prihvatnim, azilantskim i imigracionim centrima trenutno boravi cca 1.696 migranata (153 ili 8,3% manje u odnosu na isti mjesec prethodne godine).

U mjesecu avgustu 2022. godine migranti su učestovali u dva događaja sa obilježjem krivičnog djela (tri ili 60% manje) i to:

- Ubistvo u pokušaju (čl. 161. u vezi člana 28. KZ FBiH) – jedan i
- Razbojništvo (čl. 289. KZ FBiH) – jedan događaj.

Tokom mjeseca avgusta 2022. godine, službenici policije kontrolisali su 41. migranta, a 16 je smješteno u prihvatne centre na području Kantona Sarajevo.

TABELARNI PREGLED OSNOVNIH STATISTIČKIH POKAZATELJA O MIGRANTSKOJ POPULACIJI NA PODRUČJU KANTONA SARAJEVU U AVGUSTU 2022. GODINE

UKUPAN BROJ MIGRANATA KOJI BORAVI NA PODRUČJU KANTONA SARAJEVO (SLOBODNA PROCJENA I PODACI IOM-a)	1.696
UKUPAN BROJ KONTROLISANIH MIGRANATA	41
BROJ MIGRANATA LIŠENIH SLOBODE	1
BROJ KRIVIČNIH DJELA POČINJENIH OD STRANE MIGRANATA	1
BROJ PREKRŠAJA POČINJENIH OD STRANE MIGRANATA	0
BROJ INCIDENATA POČINJENIH OD STRANE MIGRANATA	5
BROJ MIGRANATA KOJI SU VRAĆENI IZ SUSJEDNIH DRŽAVA	0
BROJ AKCIJA POLICIJE VEZANIH ZA KRIJUMČARENJE ILEGALNIH MIGRANATA	0
BROJ MIGRANATA PREDATIH U IMIGRACIONI CENTAR ILI SLUŽBI ZA POSLOVE SA STRANCIMA	16